

## PREASRÁITEAS

Dé Céadaoin, 15ú Samhain 2023

### Foilsíonn Oifig Aicmithe Scannán na hÉireann Ráiteas Straitéise nua

Tá a Ráiteas Straitéise nua foilsithe inniu (15.11.23) ag [Oifig Aicmithe Scannán na hÉireann \(IFCO\)](#), a threoróidh a cuid oibre thar na blianta go dtí 2025.

Is í fíís IFCO rialáil ábhair chlosamhairc a chur ar fáil a chumhachtaíonn saoránaigh agus a chuireann an iolracht chun cinn. Leagtar amach sa phlean an chaoi a bhfuil sé i gceist aige é sin a dhéanamh faoi thrí théama straitéiseacha: Seirbhís Ardchaighdeáin; Éifeachtacht Acmhainní agus Barr Feabhais i Rialachas, agus Cumarsáid agus Rannpháirtíocht.

Ag labhairt dó, dúirt an Stiúrthóir Aicmithe Scannán, an Dr Ciarán Kissane: "Tá IFCO ag comóradh 100ú bliain a bhunaithe i mbliana. Ag tosú ar an saol mar Oifig Scrúdóir Scannán i 1923, tá sé tagtha chun cinn ó chinsireacht scannán go dtí aicmithe agus comhairle a sholáthar don phictiúrlann agus do shiamsaíocht fhisiciúil sa bhaile, lena n-áirítear scannáin agus físchluichí.

"Mar sheirbhís phoiblí, ní mór dár gcuid oibre cothromaíocht a bhaint amach idir an ceart chun saoirse cainte agus an ceanglas go gcosnófar an lucht féachana ó ábhar díobhálach agus mídhleathach – is bunchloch é seo dár ráiteas straitéise nua. Tá áthas orainn ár bpríomhaidhmeanna a leagan amach do na blianta amach romhainn, rud a chuirfidh ar ár gcumas leanúint ar aghaidh ag cinntiú go bhfuil réimse éagsúil ábhar closamhairc ar fáil do lucht féachana agus éisteachta na hÉireann agus go leanann siad orthu ag fáil na treorach iontaoifa a ligeann dóibh cinntí eolasacha a dhéanamh maidir leis an méid a fhéachann siad nó a imríonn siad."

Dúirt sé freisin: "I measc na gcuspoirí atá againn tá líon na scannán a aicmítear le haghaidh seoladh pictiúrlainne a mhéadú; leibhéal ard muiníne a choinneáil sna haicmithe agus sa chomhairle, agus a chinntiú go léiríonn caighdeáin aicmithe caighdeáin reatha an phobail. Chuige sin, táimid ag súil le dréacht-treoirínite nua maidir le haicmiú a fhoilsiú in 2024. Cuirfimid ról agus rannchuidiú IFCO do shochaí na hÉireann chun cinn freisin trí chlár feabhsaithe rannpháirtíochta le daoine óga agus le mórfhéilte scannán, agus trí chomóradh céad bliain a dhéanamh ar bhunú na hOifige. Cuirfimid freisin le díospóireachtaí beartais agus le tionscnaimh phraiticiúla a thacaíonn le seachadadh ár straitéise."

Tá dul chun cinn maith déanta ar an obair chun comóradh céad bliain na hOifige a chur chun cinn. Cheana féin i mbliana, reáchtáil IFCO comórtas sa phictiúrlann chun feasacht a chur chun cinn ar na catagóirí éagsúla aicmithe scannán agus lógó IFCO athnuachana; ghlac sé páirt san Oíche Chultúir den chéad uair, le ceardlann rangaithe scannán; mar gheall ar thaifid ré na

cinsireachta (1923-1980idí) don Chartlann Náisiúnta, agus d'óstáil sí plé painéil leis an Chartlann Náisiúnta chun comóradh céad bliain a dhéanamh. Chomh maith leis sin, cuirtear ceardlann ar fáil maidir le rangú ag Fleadh Scannán Sóisear na Gaillimhe.

Dúirt an Dr Kissane freisin "Bhí muid thar a bheith sásta leis an bhfreagra ar an gcomórtas, agus ba mhaith liom comhghairdeas a dhéanamh lenár dtriúr buaiteoirí - Nuala Brennan, Stephanie Derbyshire agus Niamh Whelan - ar bronnadh iPad nua orthu go léir."

Ina theannta sin, tá IFCO i gcomhpháirtíocht le Féile Scannán Idirnáisiúnta Bhaile Átha Cliath (DIFF) ar Shraith Léachtaí Céad Bliain IFCO 2024. Tá sé ag tabhairt deis do mhic léinn scannán agus meán agus do thaighdeoirí luathghairme dul i ngleic le Bailiúchán IFCO sa Chartlann Náisiúnta agus a gcuid taighde a chur i láthair ag ócáid phoiblí ag Féile Scannán Idirnáisiúnta Bhaile Átha Cliath 2024. Tá trí sparánacht €1,000 an ceann ar fáil. Is é an 17 Samhain 2023 an spriocdháta le cur isteach. Is féidir tuilleadh sonraí a fháil [anseo](#).

Ag trácht dó, dúirt an Dr Kissane: "Cuimsíonn Bailiúchán IFCO sa Chartlann Náisiúnta na cinní aonair maidir le scannáin a ndearna an cinsire scannán athbhreithniú orthu nach bhfuil ar fáil go poiblí cheana féin agus iad siúd atá faoi réir achomhairc chuig an mBord Achomhairc um Scrúdóireacht Scannán, chomh maith le tuarascálacha neamhfhoilsithe roimhe seo ón Scrúdóir Oifigiúil chuig an Aire. Le chéile, léiríonn siad léargas fíorspéisiúil ar choinbhinsiúin shóisialta na linne, ar thaispeántas pictiúrlainne in Éirinn, agus ar an ról lárnach a bhí ag an gcinsireacht i múnlú chultúr scannán na hÉireann. Is iontach an rud é go bhfuil siad ar fáil anois d'aon duine le súil a chaitheamh orthu sa Chartlann Náisiúnta.

"Tá an-áthas orainn dul i gcomhpháirtíocht le Féile Scannán Idirnáisiúnta Bhaile Átha Cliath ar Shraith Léachtaí Céad Bliain IFCO 2024. Mar chuid de seo, táimid ag lorg cur i láthair bríomhar agus spreagúil bunaithe ar dhoiciméid i mBailiúchán IFCO sa Chartlann Náisiúnta, a thaispeánfar ag Féile Scannán Idirnáisiúnta Bhaile Átha Cliath 2024 san earrach seo chugainn."

Dúirt Stiúrthóir Fhéile Féile Scannán Idirnáisiúnta Bhaile Átha Cliath, Grainne Humphreys: "Tá ríméad ar Fhéile Scannán Idirnáisiúnta Bhaile Átha Cliath a bheith ag obair le IFCO agus leis an gChartlann Náisiúnta araon ar an tionscnamh nua spreagúil seo. Tá súil againn go spreagfaidh an deis scríbhneoirí scannán atá ag teacht chun cinn iniúchadh a dhéanamh ar na cáipéisí agus na taifid dochreidte a cuireadh le chéile le 100 bliain anuas. Is deis iontach iad Sparánachtaí IFCO do mhic léinn agus do thaighdeoirí scannán agus ní féidir linn fanacht leis na torthaí seo a thabhairt do lucht féachana níos leithne mar chuid d'fhéile 2024 i mí Feabhra seo chugainn."

Mar fhocal scoir dúirt an Dr Kissane: "Is éard atá i gceist le IFCO ná feabhas a chur ar thuiscint an phobail ar an ábhar closamhairc atá faoinár sainchúram agus ar rannpháirtíocht an phobail leis. Creidimid go gcabhróidh ár ráiteas straitéise nua linn é seo a dhéanamh ar bhealach

CRÍOCH1

réamhghníomhach, comhoibrithe agus tioncharach agus táimid ag tnúth le teagmháil a dhéanamh le tuismitheoirí, daoine óga agus an tionscal closamhairc sna blianta amach romhainn."

Is féidir Ráiteas Straitéise IFCO 2023 – 2025 a fháil ar [shuíomh gréasáin](#) IFCO.

## **CRÍOCH**

**Déan teagmháil le: Joanne Ahern, Cumarsáid DHR. Teil: 087-9881837.**

### **Nótaí d'Eagarthóirí:**

- Tá an Stiúrthóir Aicmithe Scannán, an Dr Ciarán Kissane ar fáil le haghaidh agallaimh, ach é a iarraidh.